

O'zbekiston Respublikasi
Xorazm viloyati
Bog'ot tumani
HOKIMI
QARORI



Ўзбекистон Республикаси
Хоразм вилояти
Богот тумани
ХОКИМИ
ҚАРОРИ

220200 Богот шаҳарчаси, Ўзбекистон кўчаси, 18 уй. Тел: 31-52-807, факс: 31-52-425

2020 йил "2" июл

№ 1653

Богот шаҳарчаси

Хоразм вилояти ҳокимининг 2020 йил 29 июндаги "Ўзбекистон Республикаси Президентининг 2020 йил 26 июндаги "Республикада қўлда тўқилган гиламчилик соҳасини ривожлантириш чора-тадбирлари тўғрисида"ги ПҚ-4759-сонли қарорининг ижроси ҳақида 250қ-сонли қарори тўғрисида.

Ўзбекистон Республикаси Президентининг 2020 йил 26 июндаги "Республикада қўлда тўқилган гиламчилик соҳасини ривожлантириш чора-тадбирлари тўғрисида"ги ПҚ-4759-сонли, бу юзадан вилоят ҳокимининг 2020 йил 29 июндаги 250қ-сонли қарорларининг ижроси юзасидан туманда миллий хунармандчилик, халқ амалий санъатини, шу жумладан, тарихий анъаналаримизни ўзида мужассам этган, ота-боболаримиздан қадимий мерос бўлиб, авлоддан-авлодга ўтиб келаётган ипак ва жундан қўлда гилам тўқиш соҳасини ривожлантириш ва ноёб санъат асари ҳисобланадиган ушбу гиламларни бозор талабларига уйғунлаштириш, банд бўлмаган аҳолини, айникса ёшлар, аёллар ва кам таъминланган оилаларни мазкур соҳага кенг жалб этиш орқали уларнинг иш билан бандлигини таъминлаш мақсадида

Қарор қиламан:

1. Ўзбекистон Республикаси Президентининг 2020 йил 26 июндаги "Республикада қўлда тўқилган гиламчилик соҳасини ривожлантириш чора-тадбирлари тўғрисида"ги ПҚ-4759-сонли, бу юзадан вилоят ҳокимининг 2020 йил 29 июндаги 250қ-сонли қарорлари раҳбарлик ва ижро учун қабул қилинсин.

2. Вилоят ҳокимининг мазкур қарори билан иловага мувофиқ айрим қарорларига қўшимча ва ўзгартириш киритилганлиги маълумот учун қабул қилинсин.

3. Туман ҳокимининг ёшлар сиёсати ва ижтимоий ривожлантириш масалалари бўйича ўринбосари (Р.Шарипов), маданият бўлими (Қ.Авазметов), "Богот Агропилла" МЧЖ (П.Оллоберганов) билан биргаликда 2020 йил якунига қадар туманда қўлда тўқилган гиламлар савдо дўконларини ташкил қилсинлар.

4.Туман маҳалла ва оилани қўллаб қувватлаш бўлими (Э.Рўзметов), ветеринария ва чорвачиликни ривожлантириш бўлими (Ғ.Сапаев), “Боғот Агропилла” МЧЖ (П.Оллоберганов) билан биргаликда икки ой муддатда туманда гўштор-сержун йўналишдаги оқ, оч жигар рангли дағал, майин ва ярим майин жун берувчи, шу жумладан, “маринос” зотли қўй ва “ангор” зотли эчкиларни кўпайтириш имкониятлари ҳамда жунни қайта ишлаш, бўяш ва қўлда гилам тўқиш бўйича амалга ошириладиган лойиҳалар бўйича ишлаб чиқилган таклифларини туман ҳокимлигига тақдим этсинлар.

5. Мазкур қарорнинг бажарилишини назорат қилиш туман ҳокимининг ўринбосари Э.Худайберганов зиммасига юклансин.

Боғот тумани ҳокими

 О.Холбоев